

UDHËZIM
Nr.38, datë 1.9.2009

**PËR DISA NDRYSHIME DHE SHTESA NË UDHËZIMIN NR.39, DATË 9.12.2008 “PËR
ADMINISTRIMIN DHE DOKUMENTIMIN E PROCEDURAVE TË PAJISJEVE FISKALE”**

Në zbatim të neneve 55 dhe 56 të ligjit nr.9920, datë 19.5.2008 “Për procedurat tatimore në Republikën e Shqipërisë”, të paragrafëve 17, 18 dhe 23 të vendimit të Këshillit të Ministrave nr.781, datë 14.11.2007 “Për karakteristikat teknike e funksionale të pajisjeve fiskale, sistemit të integruar të kompjuterizuar për transferimet periodike, automatike të deklarimeve financiare, sistemit të komunikimit, për procedurën e dokumentacionin për miratimin e tyre dhe për kriteret për pajisjen, me autorizim, të shoqërive të autorizuara për ofrimin e pajisjeve fiskale”, Ministri i Financave

UDHËZON:

Pika 2.3 “Të dhënat e printuara” ndryshon si më poshtë:

“Pajisja fiskale regjistron dhe certifikon shitjet dhe këtë e regjistron në të njëjtën kohë si në memorien fiskale, por edhe në qarkun e shiritit të kontrollit, i cili vërtetëson dhe nuk lejon ndryshimet e informacionit në memorien fiskale. Të dhënat e printuara mbi kuponin tatimor duhet të jenë identike me të dhënat mbi shiritin e kontrollit. Shiriti i kontrollit është i zbatuar në formë kujtese elektronike ose letër dhe emërtohet si Qarku i Shiritit të Kontrollit ose shkurt QSHK.

Qarqet e shiritit të kontrollit duhet të kenë një etiketë sipër, mbi të cilën shkruhet numri progresiv i tyre. Programi logjik i regjistruarit duhet të sigurojë bllokimin e regjistruarit nëse hiqet qarku i shiritit të kontrollit, të zëvendësohet me qarkun e ndonjë pajisjeje tjetër apo kur është i virgjër, të mos lejojë regjistrimin e qarkullimit pa e inicializuar atë. Ky qark duhet të njihet vetëm nga regjistruari elektronik fiskal mbi të cilin është kryer inicializimi fillestar i tij dhe, pasi mbushet plot, ruhet dhe për së paku 5 (pesë) vjet.

Përdorimi i qarkut të mbushur kryhet vetëm për efekt kontrolli dhe statistikore. Tregimi i të dhënave mbi shiritin e kontrollit dhe në memorien fiskale nuk duhet të bëhet nëpërmjet përdorimit të shkurtimeve të kodifikuara.

Shembull i etiketës mbi QSHK-në:

QSHK nr.-----
Modeli i kasës-----
Numri i identifikimit-----
Data e fillimit-----Data e mbarimit---

Numri progresiv i QSHK-së, të inicializuara
Modeli i regjistruarit elektronik fiskal
Numri i identifikimit të pajisjes fiskale ku është vendosur
Data e fillimit dhe data e mbarimit të QSHK-së”.

Pika 2.4 “Kujtesa fiskale”, paragrafi i parë ndryshon si më poshtë:

“Regjistruari elektronik siguron kujdes të qartë (paralajmërim) rreth numrit të raporteve të mbetura, që mund të futen në memorien fiskale, si dhe në qarkun e shiritit të kontrollit, që nuk mund të jetë më pak se 50 dhe tregon numrin e mundshëm të raporteve të mbetura fiskale, pas çdo raporti fiskal të regjistruara.”.

Pika 2.6 “Certifikimi i pajisjeve fiskale” ndryshon si më poshtë:

“Shoqëritë e autorizuara për furnizimin e regjistruarve elektronikë, janë të detyruara të certifikojnë llojet e regjistruarve që do të hedhin në treg, në Drejtorinë e Përgjithshme të Metrologjisë, e cila verifikon nëse tipi i regjistruarve elektronik plotëson të gjitha kriteret e përcaktuara në këtë kontratë. Drejtoria e Përgjithshme e Metrologjisë, për çdo model të regjistruarve elektronikë fiskalë të certifikuar, i dërgon një raport teknik Drejtorisë së Përgjithshme të Tatimeve, ku përveç të dhënave teknike të modelit, duhet të përmbajë edhe të dhëna identifikuese të modelit (kodin e shoqërisë dhe kodin e modelit).

Shoqëritë e autorizuara duhet të bëjnë ricertifikimin e pajisjeve fiskale në të gjitha rastet kur

ndryshon udhëzimi i Ministrisë të Financave dhe ndryshimet kanë të bëjnë me karakteristikat teknike dhe funksionale të regjistruarve elektronikë fiskalë.

Subjektet tatimpaguese, të cilat kanë pasur në përdorim pajisje fiskale me karakteristika të ndryshme nga ato të kërkuara nga ky udhëzim, mund t'i përdorin këto pajisje për qëllime fiskale vetëm nëse pajisjet janë të certifikuara nga organi i ngarkuar për certifikimin e tyre. Subjekti përdorues i pajisjes fiskale, i drejtohet njëri prej shoqërive të autorizuara për shitjen dhe mirëmbajtjen e pajisjeve fiskale, për modifikimin dhe përshtatjen e pajisjes ekzistuese, sipas kërkesave të legjislacionit përkatës. Vetëm pasi pajisja është e certifikuar, ajo mund të përdoret nga subjekti tatimpagues. Nëse certifikimi dhe mirëmbajtja e këtyre pajisjeve nuk mund të realizohet nga shoqëritë e autorizuara, subjektet detyrohen të instalojnë dhe të përdorin pajisje fiskale të certifikuara sipas këtij udhëzimi.”.

Në pikën 3.1 “Lidhja e pompave të karburantit me regjistruarve elektronikë fiskalë” bëhen ndryshimet e mëposhtme:

Shkronja “a” ndryshohet si më poshtë:

“a) Pikat e shpërndarjes së karburantit dhe gazit të lëngshëm duhet të jenë të fiskalizuara me regjistruarve elektronikë fiskalë. Sistemi i regjistruarve elektronikë fiskalë duhet të garantojë funksionimin e çdo grupi pompash sipas parimit “Pa kupon tatimor-s’ka karburant.”.

Shkronja “b” shfuqizohet.

Shkronja “c” ndryshohet si më poshtë:

“c) Të dhënat mbi shitjen e karburantit duhet të ruhen automatikisht në memorien fiskale të regjistruarve elektronikë fiskalë, si dhe në qarkun e shiritit të kontrollit. Vlerat e qarkulluara certifikohen në mënyrë automatike me lëshimin e kuponit tatimor nga regjistruarve elektronik fiskal. Kuponit tatimor duhet të përmbajë:

- llojin e karburantit;
- sasinë e shitur;
- vlerën e karburantit të shitur;
- vlerën e shitur sipas shkallës tatimore; vlera e shkallës tatimore;
- numrin e pompës;
- numrin e identifikimit të regjistruarve fiskal;
- datën, orën e shitjes;
- numërori i kuponëve tatimorë;
- logon fiskale.

Struktura e numrit të identifikimit të regjistruarve elektronik fiskal të pompave dhe logoja jofiskale janë të njëjta me ato të përshkruara më lart në këtë udhëzim.”.

Shkronja “e” ndryshohet si më poshtë:

“e) Në rast defekti të regjistruarve elektronik fiskal, sistemi i fiskalizimit duhet:

të sigurojë që pompa të vazhdojë të veprojë manualisht derisa dëmtimi të rregullohet, por të dhënat e shitjes gjatë veprimit manual të pompës duhet të ruhen në njësinë e ndërfaqes së pompës “PIR” e vendosur në pjesën elektronike të pompës. Këto të dhëna të regjistrohen automatikisht në memorien fiskale dhe në qarkun e shiritit të kontrollit të regjistruarve elektronik fiskal menjëherë pas riparimit të defektit, të cilat do të paraqiten në raportin tatimor ditor “Z” të ditës kur është riparuar regjistruarve elektronik fiskal. Riparimi i regjistruarve elektronik fiskal duhet të kryhet brenda 36 orëve. Në rast defekti të regjistruarve elektronik fiskal, tatimpaguesi është i detyruar të lëshojë dëftesa tatimore për shitjet e kryera në regjimin manual të pompës.”.

Shkronja “k” e pikës 3.2 ndryshohet si më poshtë:

“k) Të gjitha pompat duhet të garantojnë përdorimin e protokolleve të komunikimit, të cilat bazohen mbi standardin global për lidhjen: IFSF”.

Në pikën 4.5, paragrafi 4, shtohet fjalia e mëposhtme:

“- Drejtoria e Përgjithshme e Tatimeve i krijon çdo njësi të qeverisjes vendore, bashkie apo komune, mundësinë e aksesit në të dhënat e deklarimeve financiare të kasave regjistruarve për bizneset të cilat janë në administrim nga organet e qeverisjes vendore (biznes i vogël) sipas juridiksionit respektiv, pas paraqitjes së kërkesës me shkrim nga ana e tyre”.

Ky udhëzim hyn në fuqi menjëherë dhe botohet në Fletoren Zyrtare.

MINISTRI I FINANCAVE
Ridvan Bode